

賜

綺

堂

集

賜綺堂集卷十四詩目

張幽原大使招同陳愚谷山長支文川同年熊  
兩濱學博奉饌朱詠齋學使於鵲山之仙棗亭  
主客各賦詩以記其事得七古一首

題陶慎齋刺史

紹侃

對山堂雅集圖二首

丙子分校鄉闈薦士七人各袖詩文來謁招飲  
寓齋

施州王曉樓明經

煜

以詩投余於其歸也賦五

律四首送之

甯雙梧孝廉

熙朝

袖詩來謁依韻答之二首

題人竹屋讀書圖

漢陽大別山下息夫人廟重新沿隄徧種桃花  
題詩滿壁風前獨眺觸緒興懷偶占絕句二章  
聊博賞音一笑

山襄陽抵南漳喜門生羅小峯進士

夢元

遠迎

賦此贈之

鹿門山

題人補讀圖四首

丙子臘月二十一日舉次子時在南漳接家書  
賦此誌之

蒲陽王宗槐甫應童子試學詩於閔荅香卽投  
余長律二首出紅梅畫扇求題依韻答之

到漢川六首

漢川銀魚三十二韻

裘慎甫明府

行恕

楚游三十年先後宰漢陽

薦而不得遷因以南州鈍秀才自號賦此詩奉  
贈正如窮措大慰人下第也

登采芝山二首

鄭葵圃明府

家屏

以團紗扇畫坡公笠屐圖見

貽賦此誌謝

聞崑漁有尋山之約貽詩止之

飲張友蘭少府

紹芳

衙齋

同林倚松明府

萬年

下鄉復丈淤畝止宿田家

四首

題亡友徐朗齋刺史

鐸慶

玉山閣集四首

寄懷王右圃大令

宗徽

移官孝昌

蔣秋舫明府

灃

見贈長律二首依韻奉酬

奉懷舒西樵監州

正載

並柬竹西刺史二首

查丙唐郡丞見貽七古一首卽次韻奉酬

題顧伴槩刺史

澍

金粟影庵存稿

從弟林一以七如道人畫乞題殆非鬼而近於  
怪者各賦一章以應之四首

筱植太史送余出都以詩贈行遲至三年未和  
書來問訊乃依元韻奉懷

方蓮舫郡丞丁滄雨過江川小憩執芝山館賦  
此奉贈

送周介夫明府

鳴鑾

之官羅田

尹文端公攜客游攝山唱和圖卷閱六十餘年  
而墨采如新次卷中韻四首應蕉園尚書公

制府慶蕉園先生以泛月理琴圖命題賦呈柏

梁體一百韻

鄂城喜晤查丙堂郡丞見貽七律二首次韻奉酬

題鄭純人刺史偉雪乞圖

純人刺史又以劍意圖屬題

竹西用丙堂郡丞見贈長律二首原韻寄懷因疊韻和之

竹西舟過漢川風利不得泊余追訪河干次日以詩二首見寄再疊前韻和之

蓮舫郡丞和余所贈長律一首見寄仍疊前韻

答之

丙唐郡丞疊前韻二首寄懷兼以手書翰墨與  
佩囊摺扇見貽仍依韻奉酬

余賦南州鈍秀才詩以貽慎甫未三日而慎甫  
郵書疊前韻四首馳示仍依韻奉酬

奉酬丙堂郡丞再疊前韻見答二首

題張芭園大使

紹先

真一酒卷後卽送其之官

嶺南

寄懷家履菴學博

考祥

再宿止園八首

有序



迴波曲四首

洛陽薦

巫山高

畫石四首

蘭石

竹石

石筍

盆石

短歌行

石榴花塔在漢陽西門外縣志載孝婦死於寃

獄乃有此花後人作塔表之二首

漢川黃生

章廷

應童試余以第一名錄送使者

拔作冠軍入泮喜鍼芥不侔而合賦贈二首書

諸扇頭期其遠到

題胡小裴通守

楷

托鉢圖二首

賜綺堂集卷十四

吳苑 詹應甲 鱗飛

詩

張國原大使招同陳愚谷山長支文川同年熊  
兩溟學博奉餞朱詠齋學使於鵲山之仙輿亭  
主客各賦詩以記其事得七古一首

學仙不成乃學詩詩人往往夢見之自言詩心具仙骨  
到此落筆空追思後來作者詩滿壁問誰吹破笛一枝  
樓中白雲歸不去浮烟浪墨還畱遺此亭與樓迥隔絕  
微吟或免前賢咄落霞湧月互鈎帶平臺曲徑新磨治

往來冠蓋張廣譙長江萬頃浮酒卮笙歌沸耳肉燔炙  
正襟危坐形神疲豈無登高作賦手快哉莫辨風雄雌  
我來獨眺增百感所恨崔李非同時幽原大使好詩格  
美人芳草香同披紫薇花底拜長史赤裘筵上招安期  
元龍意氣自蒼老樓高百尺尊臯比支公放鶴我同舉  
孝廉船泊江之湄鵠山小隱熊學博竟陵支派醇無疵  
吾友時帆爲品定一代高遠才如斯時帆祭酒評兩溟  
詩爲一代高遠之  
十年來風雅誰主持紫陽學士堂堂師戴筐六星居上  
座咳唾珠玉撚吟髭詩成七字珠百八如縛獅象探龍  
驪仙凡路隔舟漸引主客情洽樽不辭隔江帆葉剪秋

色鏡光搖破紅玻璃丹楓黃橘漢陽郭歸人爭渡喧鷓鴣  
鵲樓臺返照嵌金碧蓬山咫尺何曾移更闌燒燭照荇  
影酒痕墨氣都淋漓簷鈴風外作人語迴車迅若驚雷  
馳昔人高會非此地後之覽者休傳疑繪圖要覓龍眠  
筆江山點染鬚眉奇吾儕証果良不易秋風宛葉同淒  
其仙李不來仙棗落荒亭千古莓苔滋金丹空向瀛洲  
乞詩病從無仙手醫

題陶愼齋刺史

給侃

對山堂雅集圖二首

使君圖記十年前挂笏看山吏亦仙宏景一門皆國器  
士衡百歲本家傳幕中草檄書生老花下囊琴令尹賢

此圖乃恤齋幸南漳時所類要識南陽真面目問誰揮扇掃風煙

眼底青山點筆工等山招我畫圖中襄陽耆舊今誰健

彭澤壺觴與客同十七人偕童冠詠一雙鷓鴣嘯水雲空

若教追憶春明話尚有憐才兩相公

慎齋少游京師與長白牧菴節相桐

城稼門尚書曾共筆硯

丙子分校鄉闈薦士七人各袖詩文來謁招飲

寓齋

十六年來十四人

辛酉楚闈薦士羅夢元張校恒馬鈞光石光榮鄧錫藩問鰲劉許華七人

今丙子科重襄斯役又得王兆春蔡中珍余承書陳曉陵王之斌司先格魏璵七人蔚藍天外筆

花新龍門魚貫先同考

每屆鄉闈於三日前由監臨扁試同考官臨期齊集至公堂按

考單傳司分校皆列首名故云駿路驤騰盼後塵璧合珠聯

符七子絮飛花落記三春余七上公車艱於一第尊前喜有無雙

士許我摩挲席上珍

施州王曉樓明經煜以詩投余於其歸也賦五

律四首送之

藉甚南州彥時賢卽古狂才名真卓犖詩格共飛揚絳

帳爭前席青山夢故鄉經畬家學富何必計行藏太翁亦以

明經起家

褚春閔若人中驥吾門迥不羣與君分一席爲我壯三

軍曉樓與褚生同年家累猶彈鋏囊空不賣文珊瑚難網

盡遺憾失劉蕡

余分校丙子鄉闈竣事後曉樓始投刺知施州一郡無薦達者既為曉樓惜且

為施州名士惜也

尹子方同權歸裝小雪天

禮南同舟歸監鳳棲三畝宅利而後至施州

君家漁隱五谿烟臺溯章華古襟題夢澤連

由荆南溯流而上

懶余筆花禿索句累停船

曉樓公余詩停船兩日以侍

頭白趨公府司衡已濫叨何曾懸馬帳

貽余詩有馬帳三年志未伸之

句未免笑牛刀神駿埋頭角征鴻惜羽毛不須嗟落拓

雅頌起枚臯

甯雙梧孝廉

熙朝

袖詩來謁依韻答之二首

王揚盧駱定才名傑出還應讓此生

榜名

筆底波瀾三



榜頭聲價十連城何魯岩明府分稱第

應聘嫺風雅我輩論文見性情好趁華年登上第從來

稍古有殊榮

漁父花源屈子祠湖山爭唱袖中詩雙梧先世由楚南授學郢中其家集

有湖山一袖陰及碧湘齋稿楚騷能繼三湘遠郢曲難酬七字遲分

晚芝蘭香入室隔牆桃李影交枝自憐敝帚千金享累

典春衫入市時雙梧自言三年前典衣向書賈購得賜綺堂集誦之故揭曉後即來投謁

附原作

潛江甯熙朝雙梧

獻賦金門播盛名九重賜綺寵書生甲辰試首拜文

綺之豈期凡馬空燕市翻化仙鳬下楚城陶侃祠堂

爭畫像

公前宰竟陵邑人爭立祠畫像

鮑昭吟詠最關情

鮑覺生夫子與公唱

和極多

階前立地纔盈尺已比登科分外榮

清江江繞竹王祠落得官閒好作詩才子不辭為客

苦

蒲陽間苦香不遠二千餘里謁師於施州任所

此身常恨見公遲桃花隔

縣均同地榴實分房本一枝

公與本房何魯若師同任分校雖日隔房皆師

也西北輪蹄今異路師門重侍定何時

附客窗值雨讀 賜綺堂集

湘亭夫子吳才子早向騷壇執牛耳天生斯人太有

情男兒無情詩必死世人論詩如瞽盲區區界限劃

宋唐邯鄲學步苦不似規模雖具詩情亡公詩海內

流傳遍我購得之價不賤一曲能移海上情幾回莫

識廬山面丁字簾前十樣箋紅牙畫鼓譜新絃生情

一片桐湮月

瞿菊亭爲師譜  
附評月傳奇

迴眼千重水榭煙綺語

溫詞忽亂掃一變雄奇盡傾倒時開大劍刻門旗開

拾幽花倚瑤草九霄振翼墮罡風手挽銅章滯楚中

天上福星來予駿人間生佛拜溫公福星生佛人爭

元牒訴餘閒詩再續生龍活虎供驅馳廣席長筵願

沾沃謫仙曾向夜郎遊匏繫清江幾度秋總爲江山

需點染故教官職久羈留蠻州瘴雨消爲瑞水驛山

程齊入記紗帳何多問字人

施州王滋國王竹田升  
禮南周星橋緒春農印

作霖賴丹鳴及湘潭琴堂不少栽花吏樂府合刊夫  
羅煥廷皆受業於公公施州樂府十四章洞悉民情土俗可爲後來爲宰者法文章政事鮑公

知任他衆口謗詩伯必此多情乃我師鄂城秋雨凝  
秋霧從此情懷遇誰訴旅窗香瓣引青絲手把一編  
朝至暮

題人竹屋讀書圖

校書眼無花臨書胸有竹編成汗簡青寫上牙籤綠此  
君守書城插架富千軸據床手一編泠泠聲出屋涼風  
吹紫雲咳唾生珠玉甌香浮乳泉書味湛然足康山有  
高臺定向畫中築吾儕久拋書終歲望塵逐曹倉飽蠹

魚悔不計之熱侵晨公府趨回車正枵腹方思弄丹青  
客來語簿錄那得襟履間賞心且娛目坐笑名山藏付  
諸高閣東始信擁書人修到讀書福直節與虛衷爲君  
寫此幅吾詩點筆成夜闌燒寸燭回憶卅年前此樂渺  
難續

漢陽大別山下息夫人廟重新浴堤徧種桃花  
題詩滿壁風前獨眺觸緒興懷偶占絕句二章  
聊博賞音一笑

三年腸斷楚宮春新築靈祠漢水濱一樣無言穠李樹  
可能奴婢學夫人

要把河陽比漢陽白頭令尹太清狂郭公堤外無閒土  
祇種桃花不種桑

由襄陽抵南漳喜門生羅小峯進士 夢元遠迎

賦此贈之

新官已到黃河口火符催我單車走辭之不免有此行  
先過襄陽謁太守太守平生未識荆似憐垂老困塵纓  
到官胥吏皆星散祇有門生山郭迎鹿門山下羅舍宅  
絳帳生徒環講席有子還能讀父書秋風桂榜攀丹籍  
此來笑我忒匆匆且喜瓜期一月中難得綰符封印綬  
論文燒燭待春風明年謁選君當去百里栽花在何處

士元乃是鄉先生縣譜無煩老夫注

鹿門山

山花無風自開謝山石無雲不變化一雙白鹿去何年  
誰見山人曾倒跨龐公夫婦笑拍肩同向山中結茆舍  
饑耕相敬亦尋常百世聞風尚嗟訝身且終年不入城  
諸侯何事空枉駕紛紛割據豚犬兒所遺不如一犁耙  
當年采藥藥苗肥不見千疇同糴極鹿門原比龍門高  
我欲師之拜床下

題人補讀圖四首

廿四橋西舊草廬百城坐擁樂何如書生修到三生福

方見人間未見書

瑯環記向夢中游玉局仙官在上頭香案西偏窺秘籍  
赤文丹檢不須求

載書無計寄書還

余赴施州以道遠不能攜書而去乃以所著書寄吾弟崑漁而遣之還家

友人爲寫別書圖以記其事

那得攤書靜掩關許我補圖同補屋借

君畫本作名山

百花洲上尚書篆

幘首有共臺宮保篆書

萬柳堂前逸客圖

圖爲朱野

雲山人手筆

星在絳霄雲在野分明照到碧紗幙

丙子臘月二十一日舉次子時在南漳接家書

賦此誌喜



平生願易盈得隴不望蜀阿琅壬戌生乳少哺以粥人

山一萬重身染瘴癘酷琅兒隨任恩施為嶺氣所侵曾染風疾筋弛首屢

搖病根襁褓伏其母血漸衰肢體如桎梏遙遙十五年

璋瓦未曾續幸免喪厥身湯香塵後十五年病危者數矣遑問龐然腹

弟妹為我言婢媵宜早蓄兄年近六旬祇種一枝玉頭

風灼以艾骨露瘦於竹再索倘得之二吾猶不足聞言

百感生此事已三復就中有天焉非必關人欲嗟余精

力耗齒豁髮早禿若求麟角生先使蛾眉蹙與其散名

姝詰朝恐不速姑且守荒莊逢年或可卜所憂藜藿腸

久不饜梁肉盼到蚌離胎儼同蟲負殼仗彼佛力慈正

及瓜時熟自我來南漳愁懷轉車轂尺書盼青鸞與家  
問黃鵠鞭春未及旬乃公重抱犢弟妹爲我言產婦幸  
離蓐此子驗啼聲信美非凡俗賓僚前致祠喜色上眉  
目門館來啓事懽聲澈堂屋三日張餅筵轟飲然華燭  
主人味蕭然默坐若有觸生平事事遲垂老薦薦遷  
官與去官不復縈心曲卽今有兩兒大者方總角書未  
識之無飯不辨菽粟何況此孽芽土膏木未沃縱然灌  
漑加邀貺先人福他年材不材匪我能遐矚階樹便凌  
風尔墓已拱木晚稻雙穗生何如收早穀甘蔗尋丈長  
何如茹苦菽天或假我年牛馬任鞭扑天不假我年卯

鑽空覆育吾弟出善觀之蠕蠕蠱在族吾姪文早成立  
至性最醇篤作詩記歲時吾言有所屬兒生倘未遲賴  
有兄與叔

蒲陽王宗槐甫應童子試學詩於閔若香卽投  
余長律二首出紅梅畫扇求題依韻答之

紅到春風第一花燕支雨洗墨痕斜人傳珊網求珠樹  
僊試丹豪護絳紗冰雪新詞須點染水雲幽夢亦繁華  
香名從此探懷袖綵筆能飛五色霞

喻成七字頗清新佩結蘭蓀悟夙因花叶蓀驂原識我  
罪余幸藉陽鳳毛麟角早驚人含香東閣微含醉出色  
已八年矣

南枝迥出塵更比河陽桃李小雪中催放十分春若香

三應童試於早卷時見所作試帖詩甚佳即指壁間畫

梅一幅試之皆存立案角阿陳賦絕句一首云冰心鐵

骨有誰知寫出春風第一枝我是河陽小桃李花前立

到雪深時蓋是日方大雪余識若香此詩作之合也

到漢川六首

不在山嶺傾水窪襄流橫決渺無涯漢川地處低窪為衆流緒聚余從施

州萬山中奉調此缺尚未之官而升沉慣阻回風棹甲

江陵運漫消於是催符嚴迫矣以奉旨儲先補用人員不論繁簡遇缺即補七年前

即應補此缺而不得補其時漢川雖不易為不至如今

日之浩蕩難浮貫月槎襄漲未平農父賣鋤都結網女

甚也舟不得泊

郎撈草不漚麻訟庭積雨齋厨濕蛙鼓聲中早放衙

四達交衢速置郵差分四路至漢川會往來車轡必先合為楚北第一衝衢

投官如驛吏兼亭長客笑吳儂學楚囚胸次那能吞萬

澤頭銜不免借江州漢川為江防川証到防民口疏築

當從未雨謀

也算滄桑小劫時剪除吏蠹尚嫌遲有檀書蕭某等八人私徵二十一年

前組案婆心易解連環結仙手難收覆局碁謝生因

至是始破地有肥磽滋虱訟韓非子云三虱相訟肥磽之地澤分上下憫鴻離

媯皇鍊石終無補乞與楊枝一滴施

蒲陽帶水竟陵城往日兒童竹馬迎前宰天門應城皆與漢川接壤今邑

民互訟猶歷舉在鄰封曾決某獄則某案引以為証易地未能期速效下車何敢

示先聲九州鑄鐵難成字百里栽花浪得名及門在鄰邑者先後

來懸預吳公知遇晚白頭不肯絕塵纓自請計薦後兩邀大府保奏

始對調此缺明知漢川為甚北極衝最苦之地不敢求免

繞城玉帶出長河官舫銀鐙接尾過客似遙山來小別

臨襄江一名小別人從逝水唱迴波迎送長官以次分遠近惟縣河

之迴波亭下過明知厄漏原無當可奈金銷自有窩沿

江一百八十里水道綿長帆檣回尾而來故水差尤甲於他邑愁絕破蓬欹舵尾仰天

頻問夜如何

擬探仙山五色雲芝英難覓氣氤氲羊蹄廟古棲神女

虎乳碑殘吊子文羊蹄山在西郭外曾產靈芝又名采芝山上有仙女廟說者謂即陽臺山

亦無所據山有令尹子文墓司土者歲時致祭焉老友情同蘿薦契為煨兒議偕同鄉徐

望叔之女係大司寇建德公後同官事比繭絲勢安排  
友人錢柳汀陳端明作之合  
甥舍依蓮幙外甥懷好與吾門一席分問生爲

漢川銀魚三十二韻

溼水分三江湖莊劃半險網抽絲乙乙魚撥影纖纖雅  
比銀刀切渾宜玉箸拈水鄉同米聚市舶趁波恬計寸  
人爭得論斤值頗廉鱸鄉蒲葉剪蟹舍竹根籤張罟風  
驅蟻鳴榔月孕蟾暫隨飛絮打籃有落花霑日豈從蝦  
借鱗應笑鰕潛漲平洶雪蘭日薄晒霜纖澤國租原減  
漁梁禁未嚴茨灣流荇藻柘港護葭蘩山水誰專利充  
庖任久淹販憑艇客斗湖鄉市魚換指酒家帘遠送蚶

浮甕

生者以油浸之能致遠

微腥雀噪檐登盤金縷擘捲箔麴塵

占人饌名偏富調羹味必兼冰花凝白小玉筍點青尖

裊裊蠶絲斷涎涎燕尾黏膩非塗乳酪淡或糝晶鹽在

單將重續行厨譜更添鱸鱖原有種獮祭太無厭宛轉

迴腸軟甘平入齒甜何曾誇骨鯁須與下鍼砭

最細者謂之銀

鱖鈞不懸香餌烹還漑釜醬此身呈皎潔適口想鳴唼

巾漉防錯瀉丹飛戒火炎零星淨玉鼎夾雪貫珠簾一

掬勞纖指千莖映美脣蠡筐收未盡鮑肆人何嫌喜汝

多於鮑嗟余鈍似鮎却金封鮓久餘潤有誰沾

裴慎甫明府

行恕

楚游三十年先後宰漢陽屢



薦而不得遷因以南州鈍秀才自號賦此詩奉

贈正如窮措大慰人下第也

曾聞汲黯老淮陽也似先生困舉場一卷鷗波唐大歷

所著有鷗波廿年花縣魯靈光調翻健筆凌鸚鵡與江夏爭

鸚鵡洲控案前後上書大府管領名山戀鳳凰千古南

洋洋數千餘言理不可奪郎官湖在漢陽城北

登采芝山二首

絕頂憑臨眼界清笑他桃李滿春城白頭不稱河陽令

祇種仙山草一莖

陽臺幽夢本荒唐那有天花散道場少日風華都掃盡

一官空領雨雲鄉

有謂采芝山卽陽臺山  
知乃羊蹄之誤也

鄭葵圃明府

家屏

以團紗扇畫坡公笠屐圖見

貽賦此誌謝

麤官不合黃州住休問林皋亭下路

楚游十九年矣坡  
黃州足跡未到

公於我旣無緣二客狂蹤渺難遇君從沙羨到黃岡肯

把花溪換雪堂白鶴橫江招道友紫簫吹月領仙鄉龍

圖不願文忠像家家爲寫屏風上此稿流傳宋牧翁吳

興揚本全無恙君夫黃岡別畫圖年來夢想阿髯無銅

琶鐵板都拋却知我歸心唱鷓鴣

蔡圃常與余  
講求音律

團紗自

寫先生照未必吳儂定相肖一枝筇杖好看山要折黃

花同插帽斜行細字注衣邊好借香風筆底傳生怕煙  
雲隨手散印泥紅壓瓦當圓蔡國光精篆書聞君又作齊安客  
君有重訪黃岡之信到處揚風留墨迹此扇還歸舊使君嚴聲笠  
影人尋得

聞崑漁有尋山之約貽詩止之

向平未婚嫁不作五岳游弟生七女子此願豈易酬大  
女雖有家次女待蹇修三四方垂髻五六同贅瘤其一  
寄吾妹襁褓來江州吾亦偶提挈肯向懷中投阿兄呼  
耶孃謂次兒前孫茫然張兩眸乳媪如懶蠶汝姊爲喚休弟  
年屆四十三子苦未留老兄念及此未常不隱憂橫山

與艷水方寸靈光搜以身爲形役不如守故邱奈何去  
隴畝決計尋蓬洲須知九華山尚在壺中收

飲張友蘭少府

紹芳

衙齋

相逢笑指鶴樓高此日江州檝共撿堂北談花娛壽佛

山中芝草問仙曹

寄西與芝  
山遙對

讀書不爲科名重

諸昆皆  
以科第

起家友蘭  
屢贈鄉  
闕薦而不售故云

作吏無如簿尉勞許我放衙官屈宋

詩情定比宦情豪

同林倚松明府

萬年

下鄉復丈於畝止宿田家

四首

屋小偏臨水湖寬不見山行厨開篠籠對榻借松關敢

謂勞筋息何曾解便閒中有聞鴈鷺搔首念民艱

敗局基難着同心曲不孤林逋身寄鶴簷籠夢飛鳬

火鄰僧乞邨醪遠市沽詰朝帆葉剪煙雨過南湖

積潦頻年思滄桑小劫中漢川積淹已久十七年所澤報於畝有定在水中者

難分上下畝自別南東吏消防生蠹民頑莫語蠹通盤

籌賦則補石待天工

前轍渾難合司農鐵鑄成吾儕非赤緊漢川以兼三要缺改簡倚松尚

在需次此事繫蒼生繩是冰絲直弓如砥石平繩量地

以心同經界正君乃協輿情倚松不辭勞瘁身置田間於賦則高下手自登記吏

懷之

題亡友徐朗齋刺史

錄慶

玉山閣集四首

並角名場二十年珠光劍氣燭南天如何江上同舟楫

舊雨從無握手緣

自庚申過黃梅一  
昭嗣後不得見矣

賜衣天上不禁秋

與則齋同應  
方文綺之

賜召試拜  
為甲辰同年

懷筆從

軍賦壯游若果罪公今尚在

謂弁山  
尚書

也彈老淚哭南州

詹何徐排各飛揚

見王鐵夫  
懷人詩中

君客梁園我大行今日鐵

夫同化鶴累余題碣弔斜陽

遺書重向篋中看心血模糊墨未乾尚有玉臺佳句在

是誰刪却不曾刊

寄懷王右軍大令

宗嶽

移官孝昌

隔年江上望，停雲別後相思最。數君百里桑麻雞犬共，  
一湖煙雨鷺鷥分。談詩白眼驚同調，決獄蒼頭奮異軍。  
惻悵津亭掛帆去，春風尊酒再論文。

蔣秋舫明府

漢

見贈長律二首，依韻奉酬。

詩筒迢遞付郵傳，惠我春風上已天。同記拈花叅鐵佛，

丙子秋應聘楚園始識秋舫於鐵佛寺中

重來吹笛問金仙。

今春同寓黃鶴樓前心如

枯井無波水，身閱深山太古年。載道有碑鐫異政，愧持

秃管和監篇。

凌雲鏘奏直沽春，帳殿含豪迥出塵。天上賜衣徵處

士，山中拄笏賦懷人。琴如同譜聲相應，襟是分題語最

真惱我爲郎頭早白祝君花下擁朱輪

附原作

平湖蔣 雲 秋舫

兩字循良萬口傳薦章早達九重天能敷心腹民  
如子別有襟懷更是仙桃李一庭沾化雨桑麻百里  
話豐年遙知東閣巡檐日愁讀風人漢唐篇  
高詠霓裳四十春長楊曾奉屬車塵金門賦手推  
前輩玉局詩才有替人老將律嚴風格健枯禪味淡  
性情真騷壇牛耳今誰執禿筆先扶大雅輪

奉懷舒西樵監州

正載

並柬竹西刺史二首

楚江萍合許吾儕

竹西集同人詩爲楚江萍  
合西樵與余皆半梓焉

帶水盈盈



帳望皆盡裏烟波蘭葉漿卷中冰雪竹根齋

所著有竹根齋詩集

丁年貢士推前輩午夜軍書寫壯懷

西樵以丁酉拔舉充寫官分發湖北

常從事一樣白頭腰手版輪君劍氣未曾埋

同區天沔各分舟水患頻年累下游

嘉慶二十三年天門黃沙堤潰堤帶

淹卜游七十二垵與次川五十三丈時有天邑刁民欲

挖川邑部堤決湖水以遂其估淤之計捏稱沔陽山水

故道不能消洩須另開川邑之陽贊口分消余力闢其

說刁民猶上控不休致奉委長官先後查勘西樵甫任

沔陽州判與竹西相度形勢疏通三閘使積水仍由故

道洩入襄河不出五旬決淹之田涸出補墾刁民無以

逞其私力不致壑鄰要徙鯨魚歸大壑非關螃蟹乞監

州斗牛未許乘槎犯壁馬空施假道謀更與錢郎偕強

弩江潮莫射射襄流

查丙塘郡丞見貽七古一首卽次韻奉酬

冰絲穿就珠一串七字光芒燭霄漢天風吹落江水濱

清商紙上餘音戀君披香草我漚麻題句敢勞仙手又

誰剪吉雲散千葉大書快雪飛六花書來適雪霽挑鐙讀到

漏三鼓一縷心香舌根吐吹簫江樓和鶴鳴談兵海國

聞雞舞以戎馬書生四字篆石先生風骨比清修文字因緣眼底

搜詩史才名驚幕府釣徒佳話溯瀛洲剡波釣徒見國朝詞林掌故

郡丞詩學淵源克承家法也君本通儒爲長吏他年五馬班春男吳

儂歸去縱無田尚有詩城求撫字

附原作

查奕照丙塘

讀書萬卷不貫弗五十年來都散漢明知此事無盡  
期其奈曹騰老猶戀誓焚筆硯尋桑麻意外忽逢溫  
八父驚起一枕玉川夢吹落千片金蓮花君詩感人  
若桴鼓舌底宮商筆間吐但覺長庚燦燦明能令短  
簿躑躑舞余以郡丞留蘇菊翁節相常戲謂君官未  
劉長官當稱短簿因卽以自號焉  
公卿業早修編詩先把神光授淋漓欲瀉漢江月蒼  
莽直翻鸚鵡洲從來才子必循吏觸手陽春天所界  
聽罷田間五袴吟願賡 清廟明堂字

題顧仲欒刺史

清

金粟影庵存稿

選人同謁上蘭舟藉甚才名顧虎頭官已三遷仍刺史

件繁以獲盜功由需次知縣擢知州又由知州奉旨以同知直隸州陞用詩如四壁畫滄

洲拈來妙相香生水證到前身氣得秋擬續楚江萍合

集草堂佳句要全收

竹西幃同人詩爲楚江萍合集余欲仿其意爲續集志焉而未逮也

從弟林一以七如道人畫乞題殆非鬼而近於

怪者各賦一章以應之四首

先生有五人一目睨而視三絃手不彈僂背魚貫至主人方延君相者各趨避其一飄飄行不敢學蝦肆恠風吹破襦搖手同屏氣危哉木屐高鬼窟無平地

嬰豬與艾豸居然分牝牡有狐修其尾有狸斑其首首尾不相顧何必非佳偶彎弧鎮饜之揮扇絕塵走若非

道力堅仙樹成鬼柳試讀山海經疑義向誰剖

朱衣而元冠奚爲跣其足駢體而負背何不洞其腹挺  
立非骨僵夷踞非脛劓隨手來攫人何暇歌一曲老楓  
閱千年有聲吹破竹長嘯山月高如聞虎偃哭

兩峯善畫鬼七如兼畫怪鬼瘦而怪肥奇氣生紙外炯  
然四目尊龐然一首戴行屍與走肉輪囷擁布袋一變  
捧夜光跳脚出鼇背胡不額奎星能令見者快

筱檣太史送余出都以詩贈行遲至三年未和  
書來問訊乃依元韻奉懷

老女畫眉不入時十年未嫁羞言遲計車隨輩膺考最

一笑重逢出意外聚星堂西浮夜光汪倫顧我鬚如霜

謂翰林侍御

坐中舊雨數君少君亦秋花生古香晨星此日

餘三五脫却征衫拂塵土諸公袞袞登青雲似我麤官

何足數筱植怙雅非矜竒雕蟲之事偶一爲所謂伊人

在水湄不言詩乃工於詩破格爲賦七言古洋洋大放

璫琚辭白頭頗惜陳無已赤手能壓元微之玉堂畫省

皆清職居停卅載曾相識

謂李東亭同年今官水部

聞君寓硯共題

襟尺五城南瞻斗極齊侯治績美無雙

梅麓明府

縣譜編成

去其忒君方鏘奏凌雲篇江海豈屑流涓涓采風胥大

國史館繁露直溯江都賢此曲清高原寡和雲嶽不

令人間插枯腸搜索已三年吸露餐風如病餓却憶詩  
塵九陌中閉關終日謝春風祝君鶴骨凌霄健慰我魚  
鱗遠夢通

附原作

董桂敷 花植

昔送詹侯之官時三年報寂謂已遲詹侯今來爲報

寂一星終又三年外贈詩感歎歲重光

辛未冬君于役八都曾有

拙詩奉贈雪花滿襟鬚半霜寧知五載霜已皓雪襟却入

春風香塵脚驚官天尺五職事榛蕪成曠土尸官可

痛勞可憎眼底紛紛誰指數詹侯作令非有奇但已

可已爲當爲循良譽著清江湄我繹政美於新詩憐

才訓士纏綿意拯俗維風繼繼辭霽月蠻烟昏不得  
素琴花管聊寄之雖云寧靜自供職二千里外大吏

識此行可賀不爲君考績公明慰無極又聞邑乘手

親修史志欣賞訂謬惑敷時在史館承修一統志過談重辱索新

篇裨益何能效滴涓惟申望古迫攀意位置商量到

昔賢昔奉贈詩有文章與政事學古心迫攀之句因思舊句齊君和謂梅

齊君今亦猶聲播獨我濟時無一毫竊祿僅免身寒

餓宣武坊南旅館中笑言回首杏花風十五年前君

豈料鄰廡今余寄伯通辛酉春君寓宣武門南米市街循旅舍敷時溫從清談今

敷寄居李東亭水部宅

即當時旅舍南鄰也



方連肱郡丞十滄雨過江川小憩蒔芝山館賦

此奉贈

畢竟端人取友端

謂靜齋主人

千秋懷抱重方干論心松柏

爭奇節抵掌枌榆結古歡流水臥雲新地主

流水臥雲見太白詩

正安州自兆山爲郡丞管領之地

紫薇紅藥舊仙官還將

殿上鄒枚

筆酒作江皋雨露看

送周介夫明府

鳴鑾

之官羅田

周郎讀書如治獄到眼無花胸有竹周郎治獄如讀書  
神而明之味有餘書生未必皆能吏君乃兼之真快意  
雙鳬飛下漢江濱傾蓋論交便飲醇我已拋書求薄俸

旁人尚嫌書氣重浮沉簿領廿年來定有書魔爲播弄  
公子翩翩名孝廉克承家學何精嚴一帆笑指三江口  
縣譜新編印懸川書缺有閒獄有疑此時曾憶吳儂否

尹文端公攜客游攝山唱和圖卷閱六十餘年  
而墨采如新次卷中韻四首應蕉園尚書命

元老經綸開勝境前賢題詠到名山畫圖劍化平津去  
詩卷珠穿合浦還六十年前麟吐字圖成於尚書一雙

管下豹窺斑

文端公與袁子才  
太史疊韻唱和

雲烟繪像尋常事點染

霞光萬壑間

佛指仙心筆力勝紗籠還問舊時僧一家黃閣分前席

六代青山占上層  
誦到元音清以穆  
寫來神品逸兼能  
閒花尚許衙官領  
擁帚瑤階不負丞

疏泉鑿石妙難窮  
中有機緘應鼓宮  
明鏡彩虹環斗北

萬松千佛拜江東

千佛巖萬松閣與彩虹明鏡皆栖霞勝蹟

流傳墨本山靈

護澤徧蒼生地脈通  
今日南天同引領  
霞標重建節花

紅

海山江國樹甘棠  
家鼎羹調味許嘗  
崧嶽篤生霄漢近

韋平濟美歲星長  
東南耆舊人爭識  
忠孝文章世不忘

尚書自作記以敘此圖失而復得之由

先後吳民都畫像  
翠微深處見朝

陽

制府慶蕉園先生以泛月理琴圖命題賦呈柏

梁體一百韻

萬象能涵風度凝一塵不染氣韻清

讀公自書鵲樓楹  
帖當爲此圖補註

公心皎如寶月呈庾樓邀月月滿楹吳舩泛月月半汀  
佛光照處同圓靈鐵僧繪影兼繪聲青萍在匣綠綺橫  
泠泠七絛瘦玉鳴一襟秋思和且平載琴問月月漸升  
何年良夜柔櫓迎榜謳贈答穿珠繩荻風颺出茶煙青  
泉香花影宜調冰一枝露濕蟾蜍盈是時南天吟使星  
仙槎泛泛仙宇晴拏舟偶與閒鷗盟興之所寄圖以名  
覽者紛紛注水經謂非錢塘非金陵江雲湖樹分畦町

豈知慈航一葦憑能濟大衆浮滄溟不見寶鏡千秋澄  
無私普照光晶瑩靜能制動虛生明清游何地非蓬瀛  
成連到處移我情側聞籌海海寓寧娑娑洋外鞭雷霆  
乘潮晝夜更紀程樓船身駕幢艘舲檻車手縛鯢鯢鯨  
颶風蝨雨飛蜻蜓湧出海月懸華燈羅胸原有十萬兵  
一琴銷盡波濤驚七絃彈罷魚龍聽若非識定功難勝  
武侯之後惟文成淡泊明志良知能超出象外悟上乘  
與琴比德不敢矜召公分陝竭股肱化行南國聲錚錚  
旬宣吳會開藩屏尼山俎豆崇儀型樂章手訂音句  
琴瑟在御鐘擊莛庠士嫻禮民摠誠活民無數鐫碑銘

虎林弭節階中丞棘闈監試文不蒸吳山越水甘棠榮

清風作誦諧竿笙孫吳兩軍旗鼓爭

淵如觀察  
山尊太史

酒酣濡

墨呼季鷹

船山太史

卷中才藻歸定評江南畫舫如湖亭先

後李郭招同登爲問仙舟繫未曾灘江桂海揚霓旌伏

波銅柱赤手擎剪刈荆棘培栽菁馴擾磨鹿調駘蹀變

通刀犢新畬耕花苗懼服削邊庭瘴雲掃却無櫓檣清

宵珠斗轉玉衡一輪卿月中天昇三楚旄鉞今專膺南

州羊杜當並稱西周元愷莫與京戎經有耀官方激六

條弊吏區渭涇燃犀照水罔遁形旁求民隱示勸懲剪

除稂莠蘖不萌百廢具舉猶兢兢海涵地負何恢宏濟

川傳說舟方營元公才藝能兼并集成一品驪龍騰回  
春吹律鳴韶韻鴉書蜨譜珍連城筆補造化信有微無  
聲畫到指法精意在紙外指不停趣在絃外指忽輕我  
佛一指度衆生心手相調事乃貞臂指可使政乃行政  
聲妙與琴聲磨梅花三弄亦盲冥水雲一曲何瓏玲沙  
隄月色相業承祝公入贊薰弦賡手調元氣壽百齡

鄂城喜晤查丙堂郡丞見貽七律二首次韻奉

酬

舊游廿載旅懷牽印到鴻泥妙義詮白髮寓公開洛社  
是日爲望軒  
徐叟招飲  
青衫司馬夢吳天愈風爭觀陳琳檄喘月

空加祖述鞭

君詩係卽席口占催和甚迫

耆舊東南相問訊卷中芳

草滿晴川

蠟炬爐煙裊篆灰春寒簾外尚聞雷叨陪綺席笙歌續

忽聽旗門鼓角催河漢逢君原不隔玉山笑我未曾隕

曲終又報錢郎至

謂竹西

江上青峯看幾回

附原作

嘉善查奕照丙塘

雪影鴻泥一笑牽超然語妙見真詮活民心細絲抽  
繭煉句功深石補天綺席銓紅還說劍訟庭蒲綠早  
懸鞭羨君今占蕭閒福應是樊川住漢川

擲筆凌雲志未灰強拈啞韻學驚雷琵琶人逐商船



老傀儻身隨戲鼓催雲夢更誰吞八九陂垞祇我唱  
虺隤莫嫌措大疎狂甚一枕槐安夢已回

題鄭純人刺史偉雪乞圖

莫信官人肯乞人痾癢念切繪流民儒言饑溺求諸已  
佛法慈悲現此身竹杖一枝驚吠犬布襦百結笑懸鶉  
平生志不求溫飽飯後鐘鳴證夙因

純人刺史又以劍意圖屬題

託鉢雪打頭說劍風生齒雪乞與風胡比並佳公子君  
才敵萬人寫意不在此意在善刀藏穎爲長劍倚青萍  
貯匣中紅綫出帳底玉貌襲錦衣先後嫻進止尚未弄

雙丸居然具四美此時百鍊剛化作柔繞指文茵花滿  
身巾拂任驅使使君真英雄畫手所難擬瑩然方寸中  
古光射秋水

竹西用丙唐郡丞見贈長律二首原韻寄懷因

疊韻和之

也抵紅絲隔帳牽詩情一縷妙難詮重邀舊雨聯吟社

余與竹西相訂同聽新蠶補漏天  
驚蟄前聞雷多雨洒

先後至鄂城  
不在手舞當場啜短袖  
同人張讌一曲未終余先引去

早也  
指揮歧路待長鞭兩家花管雙飛處  
謂丙唐郡丞與光

比懷珠共媚川

琴心已付爨餘灰擬和銅琶大小雷坐擁佛燈簾不捲

夢驚官鼓鉢停催

竹西寓南樓寺中與余晨夕往還簿書外皆有筆墨之役冰襟許

我能同矢風範如君未肯墮拋却江城好春事一帆先

帶片雲回

余買棹先歸

竹西舟過漢川風利不得泊余追訪河干次日

以詩二首見寄再疊前韻和之

津亭南望柳絲牽別後情懷語未詮盼到仙槎臨漢渚  
難畱官舫夢江天同巢烏鵲驚三匝分道驂騑借一鞭  
遲我夕陽芳草渡朗吟新句問長川

老閱名場百慮灰感君交誼比陳雷毛錐喜有鴛鍼度

羽檄嚴於羯鼓催雀鼠紛爭同水落

竹西遵奉大府指授機宜由故道疏

消七十二坑積水而天邑刁民意在另開新口以鄰爲壑屢撓其肘今疏工已竣訟端可息下游可免冲潰矣

魚龍易衍笑風隕梅花依舊開東閣留待傳箋驛騎回

竹西謂丙唐郡丞有開到梅花便放舟之句

附用丙唐湘亭鄂城唱和二首韻奉柬二君

嘉善

錢清履 竹西

一笑絲猶傀儡牽逍遙未許悟莊詮青山雲釀迷瞓

雨紅杏花寒料峭天交友旅逢萍合葉年光老至馬

催鞭相看勾漏砂何處慚愧神仙葛稚川

共慨英雄志已灰不教失箸誑聞雷酒當曲讌千杯

醉連凡間吳伶度曲類人醉類詩許郵筒一騎催詩成擬郵寄漢川天寶

宮人頻淚落滁州太守久顏隤余與湘亭浮沉仕宦皆比餘年矣更

番風信春過半何事浮楂滯未回丙塘前有開過梅花便放舟之句故

調之

附舟過漢川未及登岸湘亭聞信追訪水次仍用前

二首韻却寄

嘉善錢清履竹西

江城遙望但情牽悵未登堂領妙詮忽見輿停芳草

岸颺教船泊夕陽天誰能騎鶴腰纏賁深慨牽鹽膾

茗鞭調予河陽代務也偃蹇與君同鞅掌何時元亮賦斜川

閱盡昆明池劫灰方知瓦釜亦鳴雷偶繙詩話人琴

感

余少愛知於子才先生時攜閣隨園詩話故云

又畏官書羽檄催

謂蕭家口疏濬

事豈便文章因吏廢要之精力爲名隲匆匆不竟良

朋語十幅蒲帆沔上回

蓮舫郡丞和余所贈長律一首見寄仍疊前韻

答之

盡驅春色入豪端

用韓詩

琢句如山立總干七字敢勞雙

管下百花同奉一尊歡

花朝前一日行抵漢川

蒲城攬轡嘶寒士

張詩兼譽若香故云

薇省含香笑熱官六十爲郎終執戟感君青

眼幾回看

附來作

定遠

方士淦

蓮舫

萬斛詞源湧筆端棠陰今已被江干迎 繼其仰雲

霞燦

君擢乾隆甲辰江南召試

下榻曾親笑語歡芝館自應調

野鶴藥籠定許屬春官

謂閔若香拔萃論文且喜同師友與

將元亭師誼戚獨蘭焚香靜裏看

君詩有獨蘭集

丙唐郡丞疊前韻二首寄懷兼以手書翰墨與

佩囊招扇見貽仍依韻奉酬

蠶絲萬縷寸心牽書未開緘蘊已詮碑寫蘭亭修禊日

賤題茆屋買春天囊能承露教同佩扇許揚風願執鞭

我佛慈悲憑一指要將廉石砥江川

蕉園尚書以指濡墨畫石如煉五色

而成化工之筆也今從郡丞求得當什襲藏之矣

隔年吹律管飛灰

自客冬明和迄今閏五月矣

又聽春江一枕鶯花

怕將離風信晚

來書云芍藥將闌再尊歸程

詩留殘夢雨聲催名公

方許龍鱗附賤子終慚馬齒墮東望停雲西望月他時

吳楚首重回

所苦有東望望閣詩集故及之

附來作

查奕照

丙唐

春船欲放柳絲牽羞對梅花證夙詮

余有放過梅花便放舟之句而

慶蕉園尚書夫子堅以芍藥將闌再尊歸棹

豈有壺仙能縮地那容山賊

便生天晒求詹尹探三策鈍學劉琨讓一鞭盡日夢

隨芳草遠滿頭華髮杜樊川

萬卷橫陳劫後灰應聲蟲比響春雷君騰妙舌隨雲



吐我抱唐花待火催得意詩貪深夜讀不羈才恐夕  
陽墮一帆東去無多戀名德雙推褚彥回

余賦南州鈍秀才詩以貽慎甫未三日而慎甫  
郵書疊前韻四首馳示仍依韻奉酬

鼓聲三疊繼漁陽老將身經百戰場妙有僊心工組織  
真如佛眼放明光傳來芳訊賤題鴈壓倒雄風律應鳳  
就論文詞甘頻首長卿總不愧貲郎

曾注籍州大夫而不赴選

兩度衡陽與漢陽卅年竿木早逢場已歸趙壁連城價

先宰漢陽以引嫌

奏與楚南之攸縣對調旋回本任

曾采隋珠照乘光

曾紹隋州采

頭地爭高嗤鵲輩行折節到鷓鴣

海內賢豪與顧甫聯世誼者皆辭之

太叔天寒翠袖琅璫舞莫更當筵笑郭郎

那堪聞邃憶山陽還抱琵琶定看場

子後慎甫十年來楚如雪鈞衡齋梅

勝三太守與庵郡丞及同年朗齋刺史猶及見之皆古人矣餘或擁旄佗去今與慎甫鼎足而三者惟香坡韻

無感慨係之三老得君方鼎立一尊有佛付燈光

予住

十年雖望塵莫及而老郎資格遙遙相接居然如古佛傳燈

驥雖伏櫪能教駢驚不

移巢且引鳳

方引鳳雛故云

寄語看花人莫誤

看花都誤到河陽慎甫起句也

種桃前度問劉郎

慎甫重到漢陽湖堤所種桃花都結實惟看花人頭白耳

此筆誰能撼岳陽縱橫回首少年場眼前河漢都新進

慎甫登癸卯賢書先戊申兩科按古人稱先登甲乙者為先輩原不專指華省言也胸次煙霞有

古光

兼工古文尤長於五七言古體詩

飛舞萬花團小鳳喧啾百鳥見

孤凰

兒韓詩慎甫每疏大疑決大獄能於湖山祇許詩

人領莫問仙郎與女郎

郎官湖在漢陽仙女山在漢川兩家分領之地

附來作

新建

裴行恕

慎甫

看花都誤向河陽

兩入作宰都非本意偏我先登傀儡場白媿

叩囊無底智可能鑿壁借鄰光漫將駑馬隨騏驎那

見栖雞逐鳳凰川上由來歌詠地春宵顧曲勝周郎

指戊寅春日徵歌小部事

家風忠節婉唯陽

見宋史忠義傳近復聲馳翰墨場

為最作劇一時收駿骨談詩萬丈射文光

賜綺堂集

疏秋潦狹催馬

疏消積水查丈淤田農功倍收皆近日善政

賦獻春明

吐鳳

甲辰賦賦拔置優等又吐鳳事見西京雜記

報最頭銜雖七品星精

上應宿爲郎

甥館須知卽渭陽

望叔姪家適迎交郎夫婦歸寧

葭莩便附喜歡場

斑衣又見新萊子鴻案欣逢舊孟光宜室宜家琴和

瑟佳兒伴婦鳳求鳳竚看飽啖紅綾餅十里花迎白

面郎

十稔垂垂漢水陽酸鹹味畧遍名場難分巧拙如潘  
岳詎肯依違效孔光戢翼何妨爲鷺鷥乘風也解變  
鸞鳳謹身無過原吾事自大從來鄙夜郎

奉酬丙堂郡丞再疊前韻見荅二首

難遣離情寸寸牽贈言還索解人詮畫從詩境生邱壑  
自題所畫山水二十四幅見  
貽有也似談詩主性靈之句帖有經香出洞天以石刻十三經  
碑林諸錫我百朋成合璧避君三舍早投鞭一枝才筆  
帖見贈千秋業留印滄江月滿川

鼓聲三竭撥殘灰依舊驚聞屋角雷白石新詞魚網織  
青山別夢馬蹄催也知香火緣非淺無奈風塵氣易隕  
幸遇飛仙傳玉笛被儂偷寫紫雲回

附來作

查奕照兩唐

孝綽餘情老尚牽六詩三筆費言詮華臙心澹消茫  
角結納情深悟性天曙影半簾花解佩春雷一夕荀

抽鞭買山擬乞連螭句匣印先鈴小鞦川  
賭酒尋春百事灰但傳佳唱似奔雷一枝櫓待鷗波  
試四韻詩煩羯鼓催家計久拋龍漢劫賦才早恨馬  
卿隤應知歸惹山妻笑攜得他人錦句回

題張芑園大使

紹先

真一酒卷後卽送其之官

嶺南

東坡不善飲造酒傳神方詩亦具神力斗柄傾天漿要  
取五氣和醞釀成文章奈何八百年學者多濫觴張侯  
善學蘇集成錦七裏就中有真意沁入詩脾涼旨哉水  
米麴漚此色味香讀之口流涎沾漑何洋洋卽令作者

起醉心同迴腸君才泉萬斛能辟干夫狂一官之嶺海  
子由爲治裝謂令季友蘭浮杯飲焦葉搖筆題枕櫚吾家器  
之公宋惠州守當年官醉鄉桂醕手自製分與髯翁嘗前賢  
篤交誼口澤尤難忘蘇詩備職志補入雲衣裳是一與  
是二君必辨之詳

寄懷家履菴學博考祥

淮海三千里鱸堂老鄭虔吾宗昌後學此席守前賢吾家  
文憲公以彬州學正累官至尙書石室懸經帳珠湖載酒船文游臺上  
客題句問坡仙

再宿止園八首有序

園爲吾弟崑漁所有今重過之弟寫荒園寓鶴  
圖系以詩余亦賦此八章以畱爪印茫茫楚澤  
鴻影分飛不禁雪泥之感也

芳草洲邊鄰舍秋風亭畔人家水邨圖卷新補江館詩  
鈔續加

鷗夢不離小舫蟬吟重上高樓四壁烟雲供養一湖風  
月全收

游魚四寸三寸新竹七竿八竿別具胸中邱壑點成掌  
上峯巒

烟波舫外三汊燈火橋西一灣夢入藕花深處水香人



在中間

坐我高梧百尺楫人垂柳雙行眠  
梨寫出寒綠開卷招來老蒼

爲語籠中老鶴重來不見梅開還認一堆殘雪春風同掃莓苔

鐵杵宵鳴竹雨瓦簞朝掃桐烟荒庄墨守先澤

園隣墨庄兼示

姪文休問陶家秫田

於止不知所止日歸何日遄歸一任老夫泛宅阿連自掩雙扉

迴波曲四首

芳草自青青飛花又滿汀一聲珠佩響人影去空亭

不信東風便波迴人不回好山偏隔水依舊喚陽臺

陽臺

山與迴波亭皆在漢川郭外

蘭葉自成雙匏瓜竟無匹欲寫鯉魚書惜無三折筆  
鷗夢江天闊年年逐浪浮憑他波長落不肯向東流

### 洛陽薦

洛陽守薦賈誼大書其名紀其事洛陽令薦袁安不書  
其名紀其官兩公所薦皆不虛否則痛哭終爲牖下儒  
僵臥豈少溝中壟當日原非邀令譽奈何一書一不書  
空令千秋想像諸我今太息賢大令倘遇吳公心跡印

薦吏能如薦士公洛下少年無倖進

巫山高

巫山高高不及天之尻湘水深深不抵人之心登山臨  
水送君去到此茫茫不知處雨濛濛芳雲冥冥若有人  
兮空中行將信將疑忽隱忽現朝朝暮暮換生面長相  
見如不相見安得天風吹我上陽臺山色招人入夢來

畫石四首

蘭石

奇石一拳透幽蘭雙剪分蘭芳經石潤落紙同氤氲

竹石

此君不可無匪石不能轉穿破玉玲瓏白雲自舒卷

石筍

天外一枝筆飛來插地長人嫌頭角露從此鬱堅蒼

盆石

此石袖中藏盆山移入畫堂堂一品衣只有顛生拜

短歌行

徑寸之布短不可縫方寸之木短不可攻人用其長我  
用其短踽踽獨行相見恨晚爾策雖短示我周行爾棹  
雖短溯彼汪洋蘇季氣盡金幣無光江郎才盡筆花不  
颺短劍純青短檠結綠長歌不足短歌相續

石榴花塔在漢陽西門外縣志載孝婦死於冤獄乃有此花後人作塔表之二首

楚宮春色最繁華洞口年年散綺霞  
難得孝娥墳上土桃花不種種榴花

英雄才子墓門荒  
葺以明珠總斷腸  
輸與紅裙埋碧血  
尚畱半塔掛斜陽

漢川黃生

章廷

應童試余以第一名錄送使者

拔作冠軍入泮  
喜鍼芥不侔而合  
賦贈二首書  
諸扇頭期其遠到

種桃種李滿江城  
更采仙山草一莖  
難得輩流誇後進

學使沈公每於校士時輒  
朗誦生試作以勵諸生

也教眼力證先生康衢試騁

飛黃駕初步爭傳結綠名要副吳公知遇早秀才兩字

看分明

我脫襦衫四十年 賜衣曾染鵲爐煙公車屢上劉蕡

策講席空加祖逖鞭士肯讀書先閉戶學如志毅不離

弦江川閣外漁莊近筆是臨川月印川

生縣試賦漢川  
銀魚五十韻及

臨川閣觴月詩皆援筆立就  
余卜其他日當張我一軍也

題胡小裴通守

楷

托鉢圖二首

此鉢憑誰付中無一點塵英雄留本色香火證前因現  
出曇華妙繡來貝葉新靈山方寸地忘却宰官身

宰相曾煨芋維摩正散花經宜紅袖拂詩有碧籠遮不  
向沿門募能無點石嗟我聞如是說重與補袈裟

賜綺堂集卷十五詩目

請除陽川兩縣淤田花利詩以記之

秦良玉錦袍歌

答唐春墅明府芳耀見贈卽次韻送其之官咸

豐二首

蕉園尙書於午日畫牡丹榴花菖蒲小幅奉頌  
二首

奉酬鮑覺生先生寄懷原韻二首

縣治後圃就山勢爲園落成之日宴賓僚於歲  
寒亭四首



題王景陽司馬探梅行看子

門生王梅巖

兆春

以灌梅圖乞題

讀沈文恪公手書詩卷敬題其後

曹復堂太學

善

以贈行詩冊求題二首

題孫母許淑人節孝事略二首

題花畦道人跌坐圖

錢恬齋先生由武昌觀察都轉江淮送別四首

怡菴觀察以印譜屬題二首

丁介亭觀察將蒞豫章題十八應真畫冊送之

方伯弼嶠筠先生移鎮豫章送行八首

題錢蕲儂廣騷圖四首

周石甫明府鶴立以巢湖餞別圖屬題

和劉隨州雜詠八首有序

幽琴

晚桃

疲馬

春鏡

古劍

古井

白鷺

寒缸

讀周忠毅公奏疏書後二首

有序

土牛

句芒

門神

春聯

與竹西方舟出關迎謁長官篷窗坐雨翦燭深  
談竟夕不寐竹西詩先成次韻二首

翌日裴丈尾櫂而來同泊蔡店三舫相聯移燈  
話久篷底雨聲不止疊前韻二首

上巳後三日獨棹小舟出關遲竹西不至再疊  
前韻二首

竹西薦擢白河同知之官有日矣仍疊前韻二  
首送行

學使楊介坪先生題贈拙集次韻奉酬

三才歌慰閔若香 新譚梅史 錫洪 胡鱗生 清甲

落解

石琢堂殿撰自吳中貽書以所著獨學廬刻集  
見示奉答

題譚子受司馬 光祜 鐵簫詩稿二首

漢川劉海樹太守

理

自皖江以所著亦政堂詩

集寄示中有二十年前知余宰竟陵防隄禦水  
事感而賦此

賜綺堂集卷十五

吳苑 詹應甲 鱗飛

詩

請除陽川兩縣淤田花利詩以記之

桐城治楚水

汪稼門制府

害去利乃興匪惟關國計民命賴

以生方山王觀察全局綜其成河渠資考訂三奏詹尹  
名選擇而使之履勘無遁情原非爲花利拯溺心怛怛  
恢張到後賢作者頗自矜但期被濶澤以爲常履亨不  
讀賦役志患在踵而增挹彼以注茲消長原相乘紛紛  
報淤者指水分畦町預存得隴想他日膏腴爭瀕臨湖

港處亦有泥沙停牽繩挽私坑宵築朝試耕小吏黠於  
鼠漁糧飛尾零逢年須旱乾先後或可徵江流忽橫溢  
彌望波濤驚滄桑轉瞬間萬頃鴻毛輕試問澤畔農空  
談紙上兵當其報新墾惟恐官不磨及至迫舊逋但責  
胥無能就中有豪強割據思兼并蠶食到鄰於攘臂尤  
縱橫敗則刈周麥勝亦收吳秔噉騰滋謗牘藉口冊無  
憑官爲懲治之原丈本未明窮源與竟委始能辨涓涇  
輾轉屢易主實去名未更官民乃交困曰利殊不經催  
科有正賦劑虛以酌盈弊乃利所積相反還相仍經畫  
在遠大操縱須權衡非如日中市商賈操奇贏身爲司

牧者政在得其平江川與沱陽接壤皆吾圯物產山田  
力今昔殊情形繪圖陳大府謂當上

御屏大哉

聖恩洋花縣臚懽聲無言溥美利其利乃有恒

### 秦良玉錦袍歌

失機誤國皆蟒玉十五家賊驅入蜀半壁江山剩故衣  
白頭嫠婦支殘局平臺召對花冠高補袞諸公愧此袍  
江頭濯錦汗流血天上題襟淚染豪可惜嗣昌不早死  
石柱勤王倚女子若督全師佩上方凌煙巾幗腰金紫  
降旗不豎夫人城生啖虎肉抉虎睛珠襦繡裙桃花馬



鐵鎗金鏢白桿兵可憐四面烽煙警一旅孤軍心炯炯  
天衣難補語同袍抵死毋忘恩一領南朝金粉已前塵  
畱得官花百顧新遺衣還識秦宣撫遺笏空埋史閣臣  
答唐春聖明府芳雅見贈卽次韻送其之官咸

豐二首

南軍旗鼓樹堂堂此去題詩拜竹王雙管手揮湘雨濕

一帆心掛蜀天長種桃家世傳居士

集中有三疊陶山廉訪重新唐六如

居士桃花祠墓詩

夢李山亭問夜郎

咸豐屬施州爲夜郎古彈郡卽太白流寓之鄉

捐十年前日事敢云汲黯老淮陽

余山施州已十年矣

出袖仁揚宛轉成佳篇投贈譽詹何願邀張謂拏舟餞

爭和唐衢對酒歌修到梅花風骨老寫來蘭葉露豪多  
以畫扇見貽 漢南柳色新如許畱待春歸蘸綠波

蕉園尙書於午日畫牡丹榴花菖蒲小幅奉題

二首

此筆分明具化工惠風披拂到熏風丹心要捧中天日  
現出卿雲一朵紅

菖蒲九節葉紛披寫到紅榴照眼時我亦向陽同小草  
得沾淡墨比燕支

奉酬鮑覺生先生寄懷原韻二首

手書新詠寄江臯愧乏瓊琚報李桃金掌丹還卿月朗

玉壺清徹使星勞

公前視楚學卿士大夫同切去思以清如壺冰四字爲韻頌之

天高

尙憶卑栖翼漢廣難容不繫舸畢竟生花須老筆東坡提局尙簪豪

衙參隔水叩油幢非向芳洲擷蒨苙館驛節花分水陸

臺垣疏草起家邦

臺諫諸公多有條陳楚省近事者

迴波偷寫琴三疊

顧影難飛鳥一雙許泛郎官湖上月白頭依舊臥滄江

原作

鮑桂星

覺生

問道雙旌蒞漢臯爲君一笑酌蒲桃軼才展處看先景芒刃游時識孟勞江閣梅花風送笛金城楊柳暮維舸此間不少明珠佩肯使清名損一毫

憶昔三年駐碧幢輕舟處處采蘅芷去思我已非前  
日來暮若應頌此邦羽翼可能黃鵠比音書堪倩鯉  
魚雙合并願得如流水大別山前滙二江

縣治後圃就山勢爲園落成之日宴賓僚於歲

### 寒亭四首

此地如懸圃從吾號止園模山仍面壁鑑水有心源小

稱鷗波舫

舫西有鷗波小舫爲裴丈  
慎甫所築今亦葺而新之

高陵鶴蓋軒一隅

具邱壑棲托和禽言

前輩風流古摩崖自少林

王少林太守前宰漢陽種松  
山頂因與梅巖對峙錫松巖

二字於壁間余則  
補之以竹而已

聽松君挂笏補竹我眠琴

亭下有軒  
即眠琴處

也石氣成蒼老花光借綠陰層欄扶曲磴讀畫入雲深

歲寒亭一角放眼眺晴空觴月邀三友囊琴掛八公亭與

八公山遙對帆收芳草碧塔掛夕陽紅萬頃江天濶蒼茫指

顧中

坐聽風泉響蕭蕭葉打頭屋如瓢挂樹地有壑藏舟虛

室能涵碧涵碧齋名方盂不斷流鑿石爲方池水窗燈影散吾欲

夢滄洲

題王景陽司馬探梅行看子

手攜兩袖雲身倚一枝玉使君貂襜褕頒春按部曲縱  
然冰雪懷相賞到幽獨東閣觴賓僚寄興頗殊俗何暇

來空山相伴梅花宿乃知還山雲心比山山速囊琴守  
古絃澆巾愛方幅逋仙舊草堂還川小林屋水霜歷歲  
寒胸有萬竿竹階樹早凌風香名爲君卜君今貌此圖  
君心計之熟第恐北山文難免鶴書促梅花笑不言請  
君問白鹿有鹿鳴呦呦願爲君夾轂

門生王梅巖

兆春

以灌梅圖乞題

探梅揩老眼畫梅倩老手白頭不種河陽花可與論心  
唯老友主人胸有萬卷書入懷冰雪我不如有時花同  
筆端吐露珠點滴飛璚琚抱書教與梅花讀花也甘心  
受膏沃庭護階樹相扶將君與此花同艷福吾家草堂

香雪中書聲穿破雲玲瓏披圖夢入西溪去一枝芳訊  
遶江鴻此間無地開東閣歲寒亭上紛紛落我今補樹  
待君來且喜巖名也號梅縣志載梅巖在漢陽鳳山之南麓君是梅仙  
我梅叟同灌梅花酒百杯

讀沈文恪公手書詩卷敬題其後

集成一品蘭韻堂帶經曝書相頡頏公詩鼎立天中央  
手調元氣迴北斗功德與言同不朽豈獨詩鐫萬人口  
直廬鎖院抽丹豪咳唾珠玉鏗雲璈俯視七子如鴻毛  
八詠樓頭一枝筆全集所登百之一何止十章藏石室  
人言書法追南宮滄洲四壁飛蛟龍偶然落紙泥印鴻

書成五百四十字字字纏綿有真意吉光片羽精神寄  
此卷流傳手澤新長公五馬正班春白頭下吏邀青眼  
一瓣心香證夙因公會督學江蘇甲爲諸生時卽邀賞  
拔顧四十年來依然濩落今得事長  
公春曉郡伯復讀公所著蘭韻堂全集  
并手書此卷若有前因感而識之

曹復堂太學善以贈行詩冊求題二首

八斗聲華日下馳滔滔江漢詠方思書摹斯逸精神古  
詩法高岑體格奇餘子曳裾啖肉食名卿倒屣感心知  
冊中有梧門祭酒淵如觀察王松侍  
御題贈之作皆余三十年前舊雨也清門自有藏書讀  
漫把丹青例畫師

高懷澹定契天民特立曹交九尺身沈約集成偏警夜



復堂爲穿窬者所瞰此司牧之責也因用江淹筆老尙

任肪在沈約集中作賊

之語聊以解嘲復堂爲厚菴先生五世裔孫

夢澤新書獻

紫宸他日晴川重補樹荷鋤來訪帶經人

題孫母許淑人節孝事略二首

披帷映雪訪孫康太母艱貞五十霜碧血鵲魂啼漢水

青山鶴夢繞渦陽

湛恩墨沛經三世至孝相承總一堂兩地千秋來享共

何須同穴叶詩章

綱常先後一身肩婦職能完子職全堂構式增營丙舍

松楸重展湖丁年

天褒義舉原推孝人羨文孫果象賢

訓書農  
喬梓

今日鄉評

符史筆揚風雨處表隴阡

題花畦道人跌坐圖

道人執花花滿畦不分畛域皆芳菲  
翦裁花樣出花譜拓開花徑成花蹊  
花上層樓花下廡浣花香泉瀉花塢  
雲林手筆倪迂圖盆山拳石米顛補  
鳳鳴南麓向平居中  
有園亭萬花舞花時獻佛佛曾拈佛  
說花農色相藉前身原是掃花史  
花風廿四吹美髯蒲團拋却游五嶽  
妙蓮誰與參華嚴此時手數牟尼  
串青鞵踏破歸來倦是花是佛眼  
空明心香一瓣優曇現我種河陽  
滿縣花

此圖曾向花前見閉關跌坐病維摩乞我題詩散花片  
花開花落墨痕斜笑我詩成對佛誇只愁佛也低眉笑  
要問花畦去借花

錢恬齋先生由武昌觀察都轉江淮送別四首

兩袖攜來萬里雲

自滇南蒞楚

臣清如水副傳聞政先昆海

魚吹浪詩冠蓬山鶴出羣

已未翰林崇府峻同崖岸立

公解倚崇

府山  
中流力砥漢江分鄂城楊柳甘棠樹畱得春光盼使  
君

錚錚風骨樹官箴坐領臺綱愛日臨華省文章高士節

開館選後請假還山讀書十年然書生面目大人心傳  
後出而簪筆高節不愧古人矣

來家鼎惟調水濯到塵纓是洗金

紀制雖政務得其平所謂處脂膏而不自

問還問及門諸弟子早分衣鉢許爲霖

柏臺高處綰雙符民瘼關心氣轉蘇

廉使

偶挾風霜餘

簡蠹也思煙雨夢蓴鱸庭無肺石情能得囊有牙琴趣

不孤三宿難畱江上棹試看生佛萬家圖

鰕生才盡雪盈顛遲遇吳公已卅年

去冬以拏僂鄰省積盜多名邀公保

薦人指玉衡迴斗北君腰金帶趁花前

平山堂下紅蕚有金帶圍一種

惟名賢官其地者偶見之計下車時正芍藥花開也

供張旣屏危無漏緝簿常贏

并易填私祝天南二分月平分還照楚江邊

怡菴觀察以印譜屬題二首

金函玉牒出

天家秘閣圖書五色霞公有雕龍才筆大宣和印譜不須誇

公子才名冠壁東蟬聯小字注魚蟲心心相印傳家法都在銀鈎鐵畫中

丁介亭觀察將蒞豫章題十八應真畫冊送之  
我佛西來同具妙相寶月一輪金身十丈廣大神通攝服獅象行道守真雲從風嚮照見衆生光明在上澈底澄清掃除魔障隨化度人能副所望飛錫江天葫蘆懸杖九派涵濡百花供養公心佛心齊生祖帳壽世壽民

功德無量

方伯鄧嶠筠先生移鎮豫章送行八首

柳外春旗按鄂州滔滔江漢砥中流

頒恩詔下迎年鼓畱別詩題嘯月樓周室保釐新牧伯

秦關符節舊元侯

由西安郡伯卽秉臬楚中今開藩江右尙在一年之內

從今九

派潯陽水澈底澄清溯上游

我佛西來十丈身揚休玉立氣如春能教夔佐心肝捧

始信龍圖面目真

公有白面龍圖之稱

朝士十科爭避席門生一

品許傳薪黑頭早應金甌卜韓范勲名有替人

漢南喬木比甘棠召伯巡行按楚疆風不穿牖窮五伎

刁矜張某等五人以健訟為能互相勾結大為郡縣之害公下車廉得其實飭甲拘之按律懲辦自是楚省訟師稍知蠹難食字約三章公檄行十郡凡事關緊要者歛迹矣楚省訟獄繁况胥生春筆洒仁如鏡記事珠探智有囊楚省訟獄繁吏邪經公披覽凡某郡州縣某年月日某甲某臺柏青事纖毫爽詢之承辦者不能一一指陳也

青垣樹紫肯教容易換星霜

來旬到處口碑傳課吏勤求撫字先花利豁除消病牘楚省辦理淤田積年民欠花利銀十萬餘兩皆在水潦之鄉難以徵納公蒿目民艱至是全行詳請豁免大府據以入辦香頂祝轉康年難禁民借仍三宿易荷

天庥歷九遷還與江城興禮樂膠庠歡舞被陶甄

上前

期率屬置備禮器并考訂樂章

長鯨掣海鳳摩霄領袖蓬山冠斗杓制草等身提玉局  
節花彈指擁星輶采香蘭茝搴三楚落紙煙雲駕六朝  
數到

虞廷才子筆中天詩派首皋陶

同舟李郭志澄清

毓中丞先由鄂城移節江右

依舊章門轍合并五

鳳樓前承

畫接百花洲上勸春耕斗牛光射僊人館蛟蜃圖開帝

子城天與東南名勝處詞宗先後擁旄旌

芸臺尚書曾撫豫章

臣清如水畏人知靈雨經綸妙設施驅遣驂驅遵矩矱

翦除稂莠化澆漓壺心相印卮無漏弓手均調矢不遺



幾度金針傳治譜買絲學繡尙嫌遲

臺參此後阻江潯千里慈雲芑漢陰合掌衆生瞻佛面  
畫眉老女感婆心散樗尙肯加繩墨小草能無望雨霖  
才盡幸邀公一顧匏笙愧比爨餘琴

甲仕楚二十餘年  
雖屢膺保薦尙沉

淪簿領之中自是  
常決計求退矣

### 題錢蘅儂廣騷圖四首

公子清標迥出塵奇才尙隱宰官身

蘅儂注籍郎  
官而未謁選一時

文采居轅下赤豹難追獨角麟

三千強弩射江濤此筆還應馭六鼇  
蘿帶荔衣須解去  
要分香艷與時髦

鷗偶同盟野鷺各分馴振衣拂羽翰浩然凌萬頃

寒缸

孤檠伴長宵靜對殊沒寘燒蘭吐餘光筆花共開落千秋一夕心晦明從此托相與惜殘膏坐擁寒衾薄

讀周忠毅公奏疏書後二首

有序

明史載公諱宗建字季侯萬歷四十一年進士除武康縣知縣攝德清調仁和有異政入爲御史首劾魏進忠與客氏并糾郭鞏等卒爲羣小所傷進忠矯詔削籍被逮斃之獄中進忠收贈太僕寺卿追謚忠毅奏疏在當時已有鈔本流

傳與徵諸史冊者公六世孫石甫明府重加編次付諸剞劂始受而讀之

壁鼠終爲虎城狐正黨牛婦猶哆彼口臣自戴吾頭寃獄千秋定忠魂兩字留殺公求媚者妄欲附清流  
旱應郎官宿旋登御史臺奏章原治譖國運陷人才瀝  
血鳴孤掌批鱗構禍胎讜言關大計須縮縣符來

土牛

早副三農望前驅五馬行流年分紙色立刻應鞭聲宮  
與泥丸合胎先穀種生紛紛驗頭角抱犢勸春耕

句芒

太歲東皇子巍巍踞上頭  
篠驂非引鹿花朶背牽牛  
衣履頻更換鞭箠任去留  
相公休執拘早潦不須求

門神

畢竟標門外何曾履闕中  
但知威易立尙喜語難通  
列戟空張手垂紳不鞠躬  
別開生面目瓜替在年終

春聯

一紙投新帖千門換舊聯  
靈符空畫版芳訊早傳牋  
語襲雷同套書從月吉懸  
何曾計工拙近市墨痕鮮

與竹西方舟出關迎謁長官  
蓬窓坐雨翦燭深  
設竟夕不寐竹西詩先成  
次韻二首

關山倒影歷蓬窻隔水飛來燕子雙

楚人呼燕之小者為雙飛燕

夜

滿額催詩擊鉢春愁同話酒浮甌風雲前路難望旗

鼓中原氣未降

余與竹西於嘉慶二十四年同時奏調江漢兩邑黃嘯崖贈句有若論詩名相

伯仲兩軍旗鼓一江分之句

天上星槎遲不到浪花休向舵樓撞

稱名連類及心交

竹西與余同趨公府凡上官之譽竹西者必類及於余顧余則自顧非如

也慣把王維比孟郊老境漸佳君噉蔗孤懷無匹我懸

匏

竹西薦擢白河同知行將赴任而我獨留

樓臺隔水丹青換碁局收盤黑

白滄喜有魯靈光殿在

謂慎甫

大風不捲杜陵茆

是夜北風

甚大聞鄰舟有移住酒肆中者

翌日裴丈尾櫂而來同泊蔡店三舫相聯移燈

話久蓬底雨聲不止疊前韻二首

依然翦燭坐西窓夢到鷗波打漿雙

縣治西齋有小鷗波舫爲裴丈所題

三老聚如星在留一尊沾到雪堆缸魚龍變幻疑神助  
獅象莊嚴向佛降試扣僧寮分宿火殘鐘還帶濕雲撞  
百里郵程水陸交密雲畱滯自西郊抱關尙守甘棠樹  
裴丈前權武昌郡伯兼關政今關吏擢舟迎謁故云問渡同歌苦葉匏閱世漸知  
冰炭愛品流那許渭涇淆酒醒不覺滄江曉恍聽瀟瀟  
響屋茆

上巳後二日獨棹小舟出關遲竹西不至再疊  
前韻二首

簪蓬斜拓水邊窓重寫新愁韻疊雙顧影自慙窺豹管  
放懷誰與倒雞缸三春曲水空張譙五字長城合受降  
謂竹西新賦五言長排送嶰筠方伯寄語迴風休引權靈山怕有巨鼇撞  
平疇恰值晚風交碧漲長隄綠滿郊悵望梔燈心似箭  
安排茶竈腹如匏成蠅誤筆緣非淺學鳴呼名聽易淆  
長柄葫蘆勞一問吾儕祇合老衡茆

竹西薦擢白河同知之官有日矣仍疊前韻二

首送行

江樓四面拓飛窓鶴翥寥天矯翼雙地有流泉須畫井  
官如釀酒尙封缸白河扼秦楚之交係籌邊新設之飲  
荆房陵二竹之地以隸焉事古草廐

尙費經營故云匠心刻楮三年效僊手圍碁一著降此去放衙

同結社僧關祇許白猿撞

漫把新知比素交贈言揮手送春郊麟符未剖先披棘

新印尙未請頒借鶴俸難支等繫匏河伯頭銜終易轉

竹君胸次本無滄籌邊第一書生策民勸耕桑士拔茆

學使楊介坪先生題贈拙集次韻奉酬

心賞風塵外豪抽雨露邊六星尊漢使五字邁唐賢公

副金甌卜人稱玉局僊筆從千仞立碑許百蠻鑄楨幹

材收楚珊瑚網在川心香經籍考指法樂章宣上丁之前

訂樂章俾諸生嫻習士氣如繩直官方就矩懸袖風揚路鼓帷雪



照家絃力砥中流柱能支廣厦綠紫金魚賜袋

公於上年臘月

拜大光祿

丹詔鳳啣箋下邑星馳驛名卿月麗天泳思同漢廣

余

宰漢川後宰漢陽適遇公歲科兩次按臨所識拔者皆在錄送前茅之列藻績到雲連困驥

爭先路登龍羨少年元音歸大雅法語見真詮泥雪鴻

畱瓜香花佛祖肩感逾皇甫序珍重比瓊編

附原作

楊惺曾介坪

姓字題天上聲華重日邊聞名傾我輩

卅年前已知耳大名

已仰前賢

謂長牧齋汪稼門諸公

才老文逾老詩仙吏亦仙一

官心跡著萬戶口碑鐫拔薤民安堵

治蒲陽時卽以鋤奸著栽

人是天都產名惟鄧尉傳獨居才子一傑出衆流千  
時有三詹譽真成兩地賢文章偕政績銘佩到言鐫  
慨自西崑降都將北學專惟公抽獨繭少作麗華箋  
腸胃披胃洗雲霞燦齒妍明璫搖翠羽香草寫金荃  
幸際 巡方日欣逢獻賦年補爐題 舜筆 賜綺  
拜 堯天大集歸諸雅嘉名誌勿謾每當花雨夕爲  
誦薤珠編咳吐風生玉波瀾水涌泉翰飛觴碎月采  
散紙成煙點疾戈兵驟精錘壁壘堅新香鮮欲滴頽  
艷感誰宣萬有均輝燭三才入斡旋偶成皆絕唱衆  
美必兼權北面呼義聖南宮笑米顛雅歌調玉笛詞

譜託秋弦屈宋衙官作鄒枚臂指聯頌揚須傳彥著  
述待雲淵具此才華富應看蹀躞駢倘成金榜客能  
冠玉堂仙弱水蓬山隔強臺末路遭一麾赴荆楚千  
里別幽燕京闕畱殘夢蠻方好著鞭道張循吏蓋人  
話孝廉船屢攝巖疆篆非誇墨綬纏望君如望歲常  
位豈常員法肄蕭何律琴鳴宓子絃牛刀惟莞爾鳬  
舄亦飄然遺愛碑存口生祠像設筵先生去天門後  
邑人爲立生祠  
至今尸境間驅虎渡庭尙剩魚懸說士甘於肉憐才  
祝之  
幕以羶退衙猶卷枕問字任車輶分校頻襄事沉淪  
特攬延籠中收藥物言外契蹄筌還抱遺珠恨思教

振翩騫三條勞丙照另眼謝寅緣指數廉能擅情關  
樂育倦撥繁臧盾贍剖劇韋思偏曾遇桃花汛拚同  
瓠子塢上游誰保障庶職正憂煎談笑揮君去從容  
把策全狂瀾推手挽駭浪請身填開輔倪寬令撩軍  
鄭戢沿河渠增舊志籌筆綰窮邊屹鳥蠻花接茅煙  
青雨連夜郎今部落遷客古于滇峭嶺虛凌咫修途  
險引絙長官來駐馬三月正啼鵲而竟登車往惟知  
叱馭先城雖如斗大浦已見珠還莫共嗟來後思難  
割去前清江采風曲樂府諭蒙篇德沃醇如醴恩深  
煖若綿妣徒歡拍手街子抃張拳久沐文翁化長欽

叔度廉政真樞在水民洵埴于堦餘事資吟咏羣情  
載蕩平看花集金粟問月證青蓮曹吏詞章習公庭  
束帛斐文風喜新振陋俗盡前滌邑乘加釐定巫師  
爲洗蠲使君誠健者大吏素知焉清白臣衷矢丹黃  
薦牘甄此才非百里其行可三遷手版勤猶執頭銜  
例得銓我今來漢水公又宰江川剔蠹驅狐竄鋤刁  
化雀穿歌聽元德秀租受李屯田鑒拭縣胸鏡強馴  
縮項鰻重輕分餉酒決劃見流錢白首風塵老蒼生  
痼瘡痊簿書諸選上冠冕兩湖開桃李公門盛絲蘿  
小子牽龍登窺瓜尾鯨測企涯巔不盡區區意毋嗤

絮絮便南豐祇心奉一瓣頂香虔

石琢堂殿撰自吳中貽書以所著獨學廬刻集

見示奉答

對策冠六齋擁旄督八州讀書期用世所志業已酬挺  
此一枝筆能挽萬斛輶方君朋試日置身第一流二張  
青城王夫趙約芝疑義相研搜當年碧桃社未駕青  
蓮舟蓉城本仙骨慧業兼儒修長嘯振衣去奇氣凌滄

洲簪豪曾奪席 講幄承

恩稠側聞湖海士一網珊瑚收

先典試閩中後督學楚南西川一麾

守軍書能借籌杜陵塞下作自許稷契作成都鎮嚴武

賜綺堂集

卷十五

言

三

牖戶資紉繆繡衣按所部

由重慶府擢潼商道

官民疾乃瘳過秦

諭蜀文非比吳儂謳

見外集所登公牘

東山有勁栢臺峻霜風

颺

奉命按察山東

玉堂再承

片歸夢尋鳬鷗

再入翰林引疾告歸

蒼生望霖雨白雲自去畱此

中有定力進退何休休義門著書處老屋爲君畱新拓

五柳園泉石皆清幽卓哉獨學廬三刻工雕鏤掉臂在

孤行得心非寡儔此集及身定幹濟同千秋眷言懷舊

雨遠道將書郵郎君昔過楚訪我黃鶴樓

長君官浙中前以采鉛來

楚治諧守家法詞藻辛蘇周徵麟還壽鶴

見集中賦此南老屋記

樂豈易求吾衰牛馬走爲郎久白頭雖無陽羨田決計

歸林暇東南問耆舊落落增煩憂同年數薨圃萬卷俱

校讎

問黃楚圃主事讀未見書齋中所藏宋槧書益富

吳質老而健

王松太守

買山

傍虎邱蔣侯

賓隅大令

歸三徑相待觥船浮他時脫塵鞅扶

杖從君游

題譚子受司馬

光祜

鐵簫詩稿二首

論蜀相如鬢未凋籌邊萬里去題橋將軍難和金饒曲

要向書生借鐵簫

也曾橐筆入西清

司馬曾爲石尚書記室稿中有重向西清入幕來之句

不薄麤

官宦早成藥府至今思杜甫豈因科第重詩名

漢川劉海樹太守

冊

自皖江以所著亦政堂詩



集寄示中有二十年前知余宰竟陵防隄禦水  
事感而賦此

騷雅久不聞流風今已古茫茫楚澤中何處披香祖曠

世有軼才卓哉劉貢父我昔宰漢川公已官淮浦渴思

讀公詩無如音驛阻令季江東來授我以文組

所刻駢散體文

題曰委蛇雜俎先得見之

班馬與韓歐先後運斤斧如聞鯨魚鐘想

扣麒麟鼓年來夢寐之江湖隔風雨長天吹片雲洗眼

快先觀十二卷中詩詩格同治譜其味何清醇其氣乃

和煦高建都盧幢勇試錢塘弩皆本真性情發爲天籟

語纏綿愷惻中歌泣神鼓舞政乃與詩通澤於民者溥

平生未識荆何以心先許十章記潦詩掄揚到鄴蛇回

頭二十年讀之淚如雨

第二卷中記潦詩第十章之結句云惟有竟陵賢令尹關心民

疾自吞聲

自注時惟隣宰詹公某防隄禱雨引咎自劾

繼以痛哭遠近德之蓋二十年前歲在壬戌之秋余方

宰竟陵其時太守尙未通籍素昧公本一書生循聲比

平生今見此詩能無知己之感邪

卓魯乃其幹濟才書之在冊府昨日佩麟符今日冠雀

羽從此擁旌旄惟明慎錯舉功德與立言要豈時賢伍

嗟余同散榜碌碌何足數壯旣不如人頗猶思建樹於

今氣漸頽與世多齟齬歸帆夢五湖投詩到公府他日

倘依劉餘勇尙能賈區區方寸心知者有石甫

周石甫大令自

皖來權漢川兩家倡和積有新篇兼

知在皖時與太守文字之交最久